

ዎሲ ጳውሎስኒ ዎሲያ ፍልጽሰዩሰኪ አሱኒ ሜያክ ጋቾግሩ

ጳውሎስ ሀን ዎሲያሶን ትችናሰ ሜቀዶኒያ ይሰቴፋ ሮሞኒ ሀእሱሰሲ ፋ ፍልጽሰዩሱክ ፋ ቤቴክርሰታኒሲክዋ። ኤስ ቤቴክርሰታኒሲ ጳውሎስ አወርፓኒ ዳሰታክ ቴሱሰታክ ቶክናርዋ። ዎሲያሰ ትቼናሰ ታቶኒ ኬር ፊና ካባሲክ እም ክርሰታና ዎሰትኛኒ ሜያኪን ባሳሰታ ቱጋኦ ካርእና ካባሲክ ፍልጽሰዩሰኒ ቤቴክርሰታኒሲ ካብ ኤሽኒ አሱሲ ቦርአ ንብባሲ ሱሜራ ፋና ካባሲክዋ። ሰኑንታኖ ጳውሎስ የሱሰ ክርሰቶሰኒሰታ ፋ አማንቶባሰ አካማኖን ዛጋ ሰንባሲክ ሀን ዎሲያሰ ቴግራ ቤሰቴፋሰ ግራነዋ ቱማ አማንቶነዋ።

ጳውሎስ ሀን ዎሲያሶን ትችና ቴሱኒ ችዋሲ ራክኮባሲ ዎኖ ባሪን አሪጋሱክ ባሪክ እማ እሜሬ ፌሴቴር ሰንና ቦርአ ፍልጽሰዩሲኪ አማኝኒ ሜያኖን ጋላቶናክዋ። ባሳሰታ ሰኑን ባሶሰታ ሾዎ ቴሳ ራክኮ ካርአ ፋር ሰንፋናክኦ ዛጉሶነክናዋ ቱማ አማንቶ ባሶሰሲ ፎናክና ባሶትን ችኒድፊር። ቤጋንቶነዋ ቱቶነ አሲን ቤየሬ የሱሰ ክርሰቶሰ ቴትባሶን ዳ ኤጽናሲማቶ ቴትቤሲሶን ዳ ኤጽሶነክ ማእሰሬ ባሶክ ማኬ። የሱሰ ክርሰቶሰኔን አነ አያናክ እሳር ሰናክ ዳነቴ ካሶን ሀኦሲ ኦቱሞኒ እማሰታን ኬሳር ደይ አማንቶክ ዳነቴርታኖ ቱማሶን ዛጉክ ቤሰቴር ሰና ቤይባሶን ባሶትን ያዳትሲትፊር። የሱሰ ክርሰቶሰኔን አነ እሳር ሰንነ ፊሴ ባሶ ዙታሞቤሲሴ አሲክ ሀኦሰ ባሶክ እማና ናጋነዋ ግራነ አሲን ያዳትሲሬ ትች።

ሀን ዎሲያሰ እርቴፋናሰ ግራሶን፥ አማናሞቶሶን፥ እሳር ሰናሶን፤ ክርሰትንናኒ አማንቶሲክናዋ ካሰክና ችሞሜ ፎሶን ማእሰራቴ ቤሰፋ። ዳይሰሬ ደይ ዎሲ ጳውሎስ ፍልጽሰዩሲክ ቤቴክርሰታኒሲ ፋ አካማ ኬሽታንባሶን አምማኖን ክሲሬ ቤሲ።

ማፃፋሲ ሰሩክ ኤጽና ኤጽባሰ

ጋቾግሩ 1:1-11

ጳውሎስ ፊና ባሳ ቴትኒ ችዋ 1:27—2:18

ትሞትዮሲክናዋ ኤጳፍሮድቴሰኒክና ፋ ኮፖባሰ 2:19-30

አማንቶሶን ቱጋኤሴፊ ባሶኪን ካርአ ዴሱ 3:1—4:9

ጳውሎስ ፍልጽዩስኪ ክርስታናኒ ሜያክ እምና ጋላታነዋ
ኡልፍንነ 4:10-20
ኮርኡባ 4:21-23

¹ የሱስ ክርስቶስኒ ዋስትኛኒ ሜያ ሰና ጳውሎስኒኪንናዋ ትዋትዮስኒክንና ፍልጽዩስኒ ካታማሲ ፌሴፌ የሱስ ክርስቶስኒክ እማነሬ ሀኒኒ እሱ ሰና ባሶ ዙታምቤሲሴ አሲክ ደይ ቤቴክርስታኒሶን ሀእሲፌ ኩርኡኒ ሜያክናዋ ዳቆኝኒኒ ሜያክክና፡

² እባኒሰና ሀኒስኪንናዋ ዳም የሱስ ክርስቶስኒኪንና ኦቴምነዋ ናጋነ ንቶክ ሰንፋውኻዋ።

ጳውሎስኒ ጋላትኒ ሺጶ

³ ንቶትን ያዳቴፋና ካባሲክ ዋንና ዋንና ሀኒናሶን ጋላቴፋውኻዋ፡

⁴ ንቶ ዙታምኒትሴ አሲክ ሺጶፋና ካባ ዙታምባሴ አሲክ ሺጶፋና ሺጶናሰ ግራክ ቱምቶዋ።

⁵ ቴሱኒ ዋናሰታን ካብራ ሀሽ ሀውኛ ካርእና ካባኔን ምስራቹኒ ካማሶን ማኮክ ዋስቶናሶን አርጋሲር ሰንነት ቦርእ ሀኒሶን ጋላቴፋውኻዋ።

⁶ ሀን ማእ ዋስቶሶን ዋስቶትክ ዛግ ሀኒሲ፡ የሱስ ክርስቶስ ዋል ሌ ዮና ኮእኒ ዋናሰታ ካቴናማቶ ማእሰራ አርፋውኻዋ።

⁷ ሀሽ ታቶኒ ኬር ፋና ካባሲክናዋ ታቶኒ ኬር ግሩኖይ ፋና ካባሲክና ምስራቹኒ ካማሲ ፋቶኖን ኦዳናክናዋ ኤስ ባርን ደይ ችኑናክና ሀኒስ ኦቴምባሲክ ታክ እምና እጣሶን ንቶ ዙታምኒትሴ ሃኤር ሰንነት ቦርእ ዋንና ዋንና ንብናሲቱ ፋሴትዋ። ኤስ ባሪ ቦርእ ንቶ ችዋሲክ ታክ ቤሰቴት ፋ ባር ልኪዋ።

⁸ የሱስ ክርስቶስኒ ኬሽታናሲክ ንቶ ዙታምኒትሴ አሲን እዉነ ፋርን ካልቴት ፋናማቶ ሀኒስ ታክ ዛላዋ።

⁹ ኬሽታኒትሰ አሩክናዋ ያዳታክና ቱማ ሰንና ድቼት ሀማናክ ሺጶፋውኻዋ።

¹⁰ ኤሲሰ ደይ ማእር ሰና ዉዛሰ እዉ ሰንናማቶ ቱንእራ እሩትክናዋ፡ ክርስቶስ ዋል ሌ ዮና ዋኖ ካይምናዋ ዝናንት ፎንቶና ሰንና ቤሰቶትክዋ።

¹¹ ኤስ ባርክ ካኒትሰ የሱስ ክርስቶስኒኪን ቤሰቴፋ ኦኮ ሰንና ዉዛሲክ ቱማር ሰና ሀኒሲክ ኡልፍነዋ ጋላትነ እማር ሰናትዋ።

ጳውሎስኒ ታቶሲክ ምስራቹኒ ካማሰ ታግ

12 እይኒ ሜያነ! ታይሰታ ካርኣ ዉዛሰ ሞሰራቹኒ ካማሰ ማእሰራ ታጉናክ ዛግናማቶ እሩትክ ሾሌፋዉቶ።

13 ታ ደይ ታቴናሰ ክርሰቶሰኒክ ምሰቴና ቦርኣ ሰንናማቶ ታቴ ሜኒ ማሳራሶን ኦደፌ ታሶኒ ሜናዋ ኦም እሱኒ ሜና ዙትቴሬ ኦርሴቴርዋ።

14 ታ ታቶኒ ኬር ግሩሲ ቦርኣ እማነሬ ፌ እይኒ ሜያሰን ሾዎቤሲሰ ዳሚሲክ ቴቶሶነክ ሰኒዋ። ኤሰ ባሪ ቦርኣ ሀኦሲ ካማናን ድጋ ፎንቶናን ማኮክ ዜሞቲሰታን ዳይሰሬ ቾማ ዳነቴዋ።

15 ሰኑንታኖ እሳ እሳ ሜያ ክርሰቶሰኒ ሞሰራቹኒ ካማሰን ማክሴፌሰ ኮናክዋ። ኦምኒ ሜያ ደይ ታይሰቱ ሜሮ ኡኒ ሳፋራክዋ። ሰኑንታኖ ኦምኒ ሜያ ደይ ሞሰራቹኒ ካማሰን ማክሴፌሰ ማእ ንባክዋ።

16 ኤሰ ባሶ ሀኦሲ ካማናን ማእ ንባክ ማክሴፌሰ ኬሽታናክዋ። ባሶ ደይ ታ ሞሰራቹኒ ካማሰ ፉቶ ትሹኖይናማቶ እያት ሀንታ ሀእቴናማቶ ኦርሴቴ ቦርኣዋ።

17 ሰኑንታኖ ኤክ ባሶ ክርሰቶሰኒ ሹዋሶን ኤልቻሲሬ ማክሴፌሰ ማእ ንባክ ሰኖይናሮን ቴትኒ ሹናክናዋ ታ ታቶሰታ ኦማ ራክኮ ዳይሱሶነክ ሳፋርሴፋትዋ።

18 ማእ ንባክ ሰኑን ማኾ ንባክ ክርሰቶሰ ማክቶባሲክ እካማናን ግሬፋውቶዋ፤ ሀንኔን ደይ ግሮናርዋ።

19 ኤሰ ግሬፋናሰ ደይ ንቶ ሺጶሲክናዋ የሱሰ ክርሰቶሰኒ እያናሰ እሪጋሱሲክና ብርማዲምማ ኬሳናማቶ እሪፋና ቦርኣዋ።

20 እሳንነ እፋ ኢቾናዉዛ ሰንናማቶ አብድክቱ ኦድትፋዉቻዋ። ሰኑንታኖ ዎንና ዎንና ዛግትፋናሲማቶናዋ ሀውኾ ደይ ካክ ፋፋናክ ወደይ ክትፋናክ ክርሰቶሰ ታይሲ ኤልፍንቶናዋ ይራ ድጎናይ ማኬፋውቶዋ።

21 ኤሰ ባሪ ቦርኣ ታክ ካ ኤሰ ክርሰቶሰኒክ ፎሰዋ። ክቱሰ ደይ ታክ ቡኣዋ።

22 ሰኑንታኖ ሀንታክ ካክ ፎኒሪ ሰንፋናነ ጋንባሬ ዬሬ ዎሰቶ ዎሰቶናክ ሾልሰፋዋ። ሰንፋናክኑ ካክ ፎሰታንናዋ ክቱሰታንና እኣፋሮን ኮሩናማቶ ኣነ እሩትዋ።

23 ኤሰ ሄፕ ሳፋራሲክ ራካቴድፋን። እሳ ሀሚናሪክ ክርሰቶሰኒን እነ ፎሰ ዙታምባሴ እሲሰታን ደናሎ ሰንና ቦርኣ ሀን ካሰታን ኦር ኬሰሳ ክርሰቶሰኒን እነ ፎናክ ካልቴፋዉቻዋ። ኤሲሰ ደይ ክርሰቶሰኒን እነ ፎሰ እካማናን ማእር ሰንና ቦርኣዋ።

24 ኦማ ኡግናክ ካክ ፎናሰ ንቶክ እካማናን ሾልሱዋ።

25 ኤስ ባሪክ ቴቶክ ክቱታሰን ፋእቴራ አማንቶሪስ ድቻትክናዎ ግራ ዳናትክና ንቶ ዙታምኒትሰኔን እነ ፎና ባርን አሪፋውቶ።

26 ታ ሄፕሳ ዋል ላ ንቶኪ ያፋና ካባሲክ ታ ቦርኣ ፋ ቴቶኒትሰ የሱስ ክርሰቶሰኔን እነ ፎንትሲክ አርኩናዎ።

27 ኤሴ ዙታምባሴ አሲሰታን ካንቲሲክ ክርሰቶሰኒ ምሰራቹኒ ካማሲክ ሾልሱ ፎ ፎቲዋ። ኤስ ባር ደይ ታ ያራ ቢፋናክ ወደይ ዋክፋናክ እሳ አላማክ ችምሜ ዬሮንትሶንናዎ ምሰራቹኒ ካማሶን እሳሪክ ካቶክ ካቦንትሶንና ኦዶናዎ።

28 ንቶትን ቱጋእሴፌ ባሶትን እሳንን ድጎቲታዎ፡ ሰኑንታኖ ኤስ ችምኒትሰ ባሶክ ትሹኒ ቤሶ ሰንፋና ካባሲክ ንቶክ ሀኦሰኪን እምቲ ፋሩኒ ቤሶቶዎ።

29 ክርሰቶሰኒክ ዋሰቶትክ እምቲ እጣሰ ባሪክ አማኖትክ ኮእባ ሰንኖይናሮን ባሳ ችዋሲክ ሻና ኤጳቶትክነቻዎ።

30 ኤስ ባሪ ቦርኣቱ ሀሽ ታኔን እነ ሻናሶን ሃኤር ሰንነትዎ፡ ኤስ ሻናሰ ደይ ዜሞ ሰናክ ታይሰታ ካርኢን ብየቲ ባሬዋ ሀሽኦ ደይ ታይሰታ ካርኤት ፋናማቶ ኦዶት ፋሴት ባሬዋ።

2

ክርሰቶሰኒ ቴትኒ ዳ ኤጳሴዋ ቤሶባሴ

1 ንቶትና ንቶትና ክርሰቶሰኒክ ዋል ችኒት ፎሰ ፋፋናነ፤ ኬሽታንባሲክ ደይ ችሜት ፋሴትር ሰንፋናን ደይ ኮርቶ አያናሰኔን እነ እሳርኒት ፋፋናን፡ ደይ ንቶትና ንቶትና ዋል ማእ ዉዛ ዛጉነዋ ኬናሽቶነ ቤሲፋትነ፤

2 ኤስ ባሪ ቦርኣ ሳፋራክ፡ ኬሽታናክ፡ አያናክናዎ ማእ አላማክና እሳር ሰንና ታ ግራሰ ቱማ ሰናናክ ዛጉትዋ።

3 ቴትኒ ዳ ኤጳ ኦም አሱኒ ሜያ ንቶሰታን ዋያ ሰንነቴማቶ ፋዴትታኖ ቴትኒሶን ሹናክ ወደይ «ታን ፌ አሰሱ ኣፌ» ይፋ ቴቶክ እሳ ዉዛነ ዛጉትታዎ።

4 ኤሲሰማቶ አሱ እሳርባ እሳርባሰ ባሳ ቴታክ ኬእኒ ዉዛሶን ኮእባ ሰናይናሮን ኦም አሱሲክ ኬእኒ ዉዛሶን ሳፋሮዋዎ።

5 ኤስ ባሪክ ክርሰቶሰ የሱሰኒሰሲ ፋ ሳፋራሰ ንቶሰሲ ደይ ፎናክ ሾልሱዋ።

6 ባር ሀኒኒ ሃላክ ፌፌት ሀኦሰኔን እነ እሳ ኪጤ ሰንኒ፤

ሀኒኒ ሃላሶን ሀግናክ ኤጳናክ እነ ሾሎዌ።

7 ኤስ ባርሰታን ባርኪክ ፋ ኡልፍናሶን ዙትሬ ቤይየ፤

ቦዝኒማቶ ሰንነ ቤሰቲ፤

- አሱኒማቶ ደይ ቤሰቴሬ ኮንቴ፤
 አሱኒ ግቶክ አምማኖን ቤሰቴ።
- 8 ቴትባሶን ደይ ዳ ኤጲ፤
 ክቱታ ካርእና ካባኔን፤
 ኤሰ ባርኑ ማሰቃሊሰታ ሱቴሬ፤
 ክቱና ካባኔን እጃጃሚር ሰኒ።
- 9 ኤሰ ባሪ ቦርኣ፤ ሀኦሰ ዙታምባሴ አሲ ደናሎ፤
 ባሪን ደን ቴግ።
 ሱና ዙታምባሴ አሲሰታን ደናሎ፤
 ሰና ሱና ባሪክ እሚ።
- 10 ኤሰ ባሪ ቦርኣ የሱሰኒ ሱናሲ ኡልፍናክ፤
 ሳማክናዋ ዳክና፤
 ደይ ዳሲ ሰካሎሲ ፋሴ ባርኪቶ ዙቴራ፤
 ኬእባሲክ ባሪክ ካኖናዋ።
- 11 አሱኒ ሜኒ ቴርማሰ ደይ ዙቴራ፡-
 «የሱሰ ክርሰቶስ ዳምዋ»
 ይራ ዛልኒ ማኮክ እባ ሀኦሲክ ኡልፍና እምናዋ።

ሀን ዳሰታኪ አሱኒ ሜያክ ቻሬፍኒማቶ ቻር

- 12 ኮኒታሳክቶኖ! ታ ንቶኔን እነ ፋና ካባሲክ ዋንና ዋንና
 እጃጃሚር ሰንነትሲማቶ ሀሽ ታ ንቶሰታን ዋክፋና ካባሲክ ኤሰ
 ባሪሰታን ደናሎኖን እጃጃሚር ሰንናትክ ያዳሲፋዉቛዋ፡ ኤሰ
 ባሪ ቦርኣ እሳ እሳርኒትሰ ፋሩንትሶን ቤሰፋ ዋሰቶሶን ድጋክናዋ
 ኡልፍናክና ችምማ ዋሰቶትዋ።
- 13 ኤሰ ባሪ ቦርኣ ባር ሰናናክ ሾሌፋና ባሮን ሾሎትክናዋ
 ዛጉትክና ንቶሰሲ ዋሰቴት ፋይሰ ሀኦሰዋ።
- 14 እፍፋ ዋሰቶሰኑ ዋሰቴፊት ካባሲክ ኡኾሶቲታ ወደይ
 ካራካሮሶቲታ።
- 15 ኤሰ ባር ደይ ሰንፋናነ ሀን ኤልጃ ማኹ ኮኒቶሲ ጋነሲ
 ዝናዋ ሙዳነ ፎንቶ ካይም ሀኒኒ ናንጎታ ሰንና ሀን ዳሰታክ
 ባኩራኒማቶ ቻርሱትዋ።
- 16 ኤሰ ባር ደይ ሰንናናሰ ካ ቤሰቴፋና ካማሶን ዬቱኖይ
 ማእሰራ ኤጳትነዋ። ኤሲሰማቶ ኤልናሴዋ ዋሰቶናሴ ኬእኖር ሰንና
 ፋእቶኖይናማቶ ክርሰቶስ ዋል ሌ ዬፊና ካባሲክ ቴቶና ዉዝና
 ፋርዋ ኡዋ።
- 17 ሀኦሲክ ዋሰቶኒትሴዋ አማኖንቴሴ አሲ ማእሰታ ታ ካሰ
 ደይ ዳይሰቴራ ማእ ሰንና እምቴፋናነኑ ግሬፋውኹዋ። ንቶ ደይ
 ታ ግራሶን ሃኤር ሰናትዋ።

18 ኤሲሰማቶ ንቶ ደይ ግሬራ ታን ደይ ግራንትሶን ሃኤር ዛጉትዋ።

ትሞትዮስንናዋ ኤጳፍሮድቱስንና አሲ ዎስቶ

19 ታ ንቶ ችዋሶን ኦደራ ግርናክ ትሞትዮስን ታፕቴራ ንቶኪ ዎሱ ችማናክ ዳሞ የሱስኒክ አብድ ዛግፋንዋ

20 ንቶ ችዋሲክ ንባሰን ሳፋሬሬስ ትሞትዮስቲኖ ኦሞ አሱታ ታክ አፈዋ።

21 ሰኑንታኖ ኦሞ አሱኒ ሜያ ባሶ ቴታክ ኬእኒ ወዛሶንቱ ዛጉክ ኤለፌታኖ የሱስ ክርስቶስኒ ዎስቶሲክ ግድቤስ አፋዋ።

22 ትሞትዮስ አማናሞቶ አሰሱ ሰኒባሰ ፋታንቴራ ዛላ ማክቴር ሰንናማቶ ታኔን እነ ደይ አባናዋ ናና አሲማቶ እሳር ሰንና ምሰራቹኒ ካማሶን አሰሱክ እነ ዎስቴት ፋኒማቶ ንቶ ቴትንትሲክ አርሴትርዋ።

23 ኤስ ባሪ ቦርኣ ታ፤ ችዋስ አይታ ሀምማ ካርእኒቶ አሪናኔን ኦርፎ ትሞትዮስን ታፕቴራ ንቶኪ ዎሱናማቶ አብድ ዛግፋንዋ።

24 ኤሲሰማቶቲ ታ ቴትናሲክ ንቶኪ ዮ ችማናክ ዳሚስ ታን አርጋሱናዋ ይራ አማነፋወቻዋ።

25 ኤሲሰማቶ ታክ ሾልሲ ወዛ ዙታምባሴ አሲክ ታን አርጋሱናክ ዎስሴት አይታ ኤጳፍሮድቱስን ዎልግራ ንቶኪ ዎሱና ባር ሾልሱ ሰንና ታክ ቤስቴዋ፤ ባር ታኔን እነ ታርኤሬ የሬ ሜያ ታርኤናዋ ዎስቶኒ ዞሞታና ሰንነ ዎስቴት ፌ አሱዋ።

26 ባሪን ንቶኪ ዎሱናስ ባር ንቶ ዙታምንትሴ አሲን ብያናክ ካልቴትና ቦርኣናዋ ባሳ ሜቶሶን ደይ ንቶ ኦደሴቲ ቦርኣ ድጌሬ ሳፋሬት ፌና ቦርኣናዋ።

27 ፋቶሲክ ባር አካማኖን ሜቴሬ ክቱናክ ካርእዋ፤ ሰኑንታኖ ሀኦስ ባሪክ ፋክያ ዛጊዋ። ኤስ ባር ደይ ባር ባሪክ ኮእባ ሰኖይናሮን ሱሞስታ ሱሞ ታይሰታ ኮፑክቶኖይናማቶ ታክኔንቱ ሀኦስ ፋክያ ዛጊዋ።

28 ኤስ ባሪ ቦርኣ ባሪን ቢራ ግርሶትክናዋ ታ ሱሞስ ደይ ካሾናክናቱ ባሪን ንቶኪ ዎሱናዋ ይራ አካማኖን ሾሌቻዋ።

29 ኤሴ ዳሚስን አማነሬ ፌ አሱ ሰንና ቦርኣ ግራክ ኤጳቶትዋ፤ ባርን ፌ ኦሞ ሜያኖን ዙትራ ኡልፍንሱትዋ።

30 ንቶ ታእሴራ ቤስቴራ ታክ ዛጉ ቤየቲ አርጋሱሶን ባር ታክ ቱክዋ እያት ክርስቶስኒ ዎስቶሲ ቦርኣ ካባሶንኑ ኬሽቶኖይ ክቱታ ካትሬ ፈርዋ።

3

ፋቶኒ ኦኮ

¹ ኮእባሰታክ አይታሳክቶኖ! ዳሚሲክ ግርትዋ። ኤስ ዜሞቲ ንቶክ ትቶና ወዛሶን ሄፕሳ ደይ ዎልግራ ንቶክ ትቶፋናነ ታን ኣነ ኦምሱዋዋ። ኤስ ባር ደይ ንቶትን ኤሻሰን ኦዳናክ ቕማናክዋ።

² ካንኒማቶ ሃነት ፌሴ ማቕ ወዛሶን ዛግሴፌ ባሶስታን ቱትንትሶን ኦድት፡ ሃርኮ ኩኑ ሾልሱዋ ይሴፌ ባሶስታን ቱትንትሶን ኦድትዋ።

³ እንኖ ሀኦሶን አያናክ ሺጴት ፋኒሰ ጌርኪ ቢሰቶኒ ሰትሪሲክ ሰኖይናሮን የሱሰ ክርሰቶሰ ባር ባሪክ ቱቱት ፋኒር ሰንና ቦርአ ፋቶሲክ ሃርኮ ኩንዋ።

⁴ ቱቶክ ሾልሰር ሰንፋናነ ታ ሾዎ ወዛክ ቱቶናክ ቕማናዊ፤ ጌርኪ ቤሰቱፋ ሰትሪሲክ ቱቱፌ አሱ ፌፋናነ ታ ባሳሰታን ደናሎኖን ቱቶና ወዛና ፋርዋ።

⁵ ታ ኮንቴናሪ ናቕንሲናሪ ዎኖቱ ሃርኮ ኩንኒዋ፤ ኮንቶናሲክ ደይ ብንያምኒ አሰቴሴሪሰን ሰና እሰራኤላዊዋ፤ ኤስ ባርሰታን ካብ ሾዋ ታ እሳ ሙዳባ ፎንቶ እብራዊዋ፤ አይሁድኒ ቱማሲ ኦድኒ ሾዋሲክ ሰንፋናነ ታ ፌርሳዊዋ።

⁶ አይሁድኒ ሜኒ ሀይማኖትሲ ሾውኒ ኮኖክ ሰንፋናነ ቤቴክርሰታኒሶን ቦጌት ፋናርዋ፤ ቱማሶን ኦድደ ኦኮ ሰንኒ ሾዋሲክ ሰንፋናነ ዝናባ ፎንቶኖንቱ ፋፋቻዋ።

⁷ ኤስ ዜሞ ሰንናክ ታክ ኬእኒርዋ ይራ አማነት ፋና ወዛሲክቶ ዙቴራ ክርሰቶሰኒ ሾዋሲክዋ እያት ኬእናይ ወዛ ዛግራቱ ፋድቻዋ።

⁸ ኤስ ባርሰታን አማ ዳምታ የሱሰ ክርሰቶሰኒን አሩሰታን ደናሎ አማ ወዛ ኦፋ ሰንናማቶ አማነፋና ቦርአ ዙታምባሴ አሲን ኬእናር ዛግራቱ ፋድቻዋ፤ ባሪክዋ እያት ዙታምባሴ አሲን ቱርኪን፤ ክርሰቶሰኒን ዳናክዋ እያት ዙታምባሴ አሲን ዲማ ዛግራ ፋድን።

⁹ ኤሲሰ ደይ ቱማሲማቶ ፋ ታ ኦኮሶን ቤይፋት አማንቶሲማቶ ፋ ሀኦሲ ኦኮኖን ክርሰቶሰኒን አማንቶክ ዳናናክናዋ ባርኔን እነ ደይ ፎናክናቱ ዛግንዋ።

¹⁰ ክርሰቶሰኒንናዋ ክርሰቶሰኒ ክቱን ካቡኒ ሁግናሶንና አሩናክና፤ ሻናባሶን ደይ ሃኤር ሰናናክናዋ ክቱባሲክኑ ደይ ባሳይሲማቶ ሰናናክናቱ ካልቴፋወቻዋ።

11 ኤሲሰማቶ ደይ ክትናኔን ኦርፎ ካብራ ካክ ፎና ባሮን ኣብድ ዛግፋወጃዎ።

ኮእባሰታ ካርኤ ኤላ

12 ሀን ባሮን ዙትራ ሀሽኑ ኣነ ኤጹትዎ፡ ወደይ ሀን ባሪክቶ ዙታምባሴ ኣሰን ዳንቻዎ ኡክ ኣፋ ችማናወዛ። ሰኑንታኖ የሱሰ ክርሰቶስ ታን ባሳር ዛግሬ ታክ ሆሲና ዎሱማሶን ዳናናክ ኤክ ሰና ኤላናክቱ ዲዶናዎ።

13 እይኒ ሜያነ! ሀሽኑ ታ ሀምማ ካርእቻዎ ይራ ኣፋዎ ፋዲናወዛ፡ ሰኑንታኖ እሳ ወዛቱ ዛጉናዎ፡ ኦርፎናክ ፋ ባሮን ዳጌት ሰንናሰታኪ ፋ ባርኪ ሀምማ ካርእናክ ሾኻናዎ።

14 ዎሱማናሶን ዳናናክ ሰንናሰታ ፋ ኮእኒ ድማሰታ ሀምማ ካርእናክ ኤላናዎ። ኤሰ ዎሱማሰ ደይ ሀኦስ ክርሰቶስ የሱሰኒኪ ካሞ ታክ ደን ሳማክ እማና ኮእባ ፎንቶ ካሰዎ።

15 ኤሴ አያናኒ ፎሲክ ችማ እንኖ ኤሰ ኤፋቴና ያዳታሰ እኖኪክ ፎናክ ሾልሱዋ፤ ንቶትን ኦር ኦር ክሱኒ ሳፋራ ጋነንትሰሲ ፋፋናን ኤሰ ሳፋራሶን ሀኦስ አምማ ንቶክ ዛጉናዎ።

16 ኣፍፋርቲ ሰኑን ሀኦስ እኖክ አምማኖን ቤሰና ፋቶሲክ ኤክ ሰና ሀማኒዎ።

17 እይታሳክቶኖ! ታ፤ ቤሰና ዛልፋሲክ ዙኩቶትክ ማእ ኡትዎ፡ እንኖ ቤሲኒ ዛልፋሲክ ዙኩቲሴፌ ባሶትን ደይ ማእሰራ ቢትዎ።

18 ዜሞ ሰናክ ሾዎ ካባ ንቶክ ማኬናሲማቶ ሀሽኑ ደይ ሀራፍናሶን ወኪት ማኮናዎ፡ ሾዎኒ ሜያ ፌሴፌ ፎቤሲሲክ ክርሰቶሰኒ ሜሰቀሊሲ ጉማ ሰነቱዎ።

19 ካትቤሲሰ ባሶክ ሀኦቤሰዋ፤ ኢቹ ወዛሰ ባሶክ ኡልፍንቤሰዋ፡ ሳፋራቤሲሰ ደይ ሀን ዳሰታኪርዎ፡ ኤሰ ባሪ ቦርኣ ባሶ ኮእሰ ደይ ትሹዎ።

20 ሰኑንታኖ እንኖ ዳኒሰ ደን ሳማዎ። ደኑን ዮኒ ፋትር ሰና ዳም የሱሰ ክርሰቶሰኒንቱ ካልታናክ ኦደት ፋኒዎ።

21 ባር ሀን ኩፕኒ አቱኒሶን ሶሎክ ባሳ ኡልፍንኒ አቱሲማቶ ሰናናክ ዛጉናዎ፤ ኤሰ ባሮን ደይ ዛጉናሰ ዙታምባሴ ኣሰን ሀእሱኒ ሁግናባሲ ሰካሎሲ ዛጉናክ ባሪን ችኒፋ ሁግናባሲክዎ።

4

ኮእኒ ኪቶ

1 ሹንፋና ንቶ፤ ካልቴፋና ግራናሴዋ ቴቶናሴ ሰና አይታሳክቶኖ! ዳሚሲክ ችምማ የሮትዋ።

2 ኤዎድያነዋ ሲንጥክያነ ባሬ ባሬ ዳሚሲክ ኤቴ ኤቴ እሳር ሰንነራ ፎሶናክ ሺጶፋወኛዋ።

3 ኤሰታክ ፌ አማንቶ ዋሰቶኒ ዘሞታ ሰና ነ ደይ ኤሰ ማሽካሱሲክቶኖን አርጋሱታክ ሺጶፋወኛዋ። ኤሰ ማሽካሱሲክቶ ታኔን አነ ቀለሜንቶሰኔንናዋ ሱንቤሲሰ ካኒ ማፃፋሰሲ ትቼና ኦም ዋሰቶኒ ዘሞታሳክቶኔንና አነ ሰነራ ምሰራቹኒ ካማሶን ካቱክ ካቤሴዋ።

4 ዳሚሳር ሰነቲ ቦርኣ ዋንና ዋንና ግሮትዋ። ሄፕሳ ዋላ ደይ «ግሮት» ይፋወኛዋ።

5 ጋራምኒትሰ አሰሱ ዙታምባሴ አሲክ አርቴር ሰኑን። ዳሚሰ ዋል ሌ ዮናክ ታእሴዋ።

6 ኤሰ ባሪ ቦርኣ ዙታምባሴ አሲክ ሺጶክ፣ ኖነሬ ሺጶክናዋ፣ ጋላታክና ሀኦሲ ሰና ታእሱትታኖ እሳ ወዛክኑ ራካቶቲታዋ።

7 አሱኒ ያዳታ ዙታምባሴ አሲሰታን ደናሎ ሰና ሀኦሲ ናጋ ንብንትሶንናዋ ካኑንትሶንና የሱሰ ክርሰቶሰኔን አነ ሰነቲ ቦርኣ ንቶትን ኦዳናዋ።

8 ካኑንቲሰ ሀን ባር ዙታምባሴ አሲሰታን ደናሎ ሰና ባሪክናዋ ጋላትባሬ የሬ ማእ ወዛሲክቶክና ቱምማ ፋር ሰኑንዋ። ኮእባሰታክ ደይ አይኒ ሜያነ! ፋቶ ሰና ባሮን፣ ኡልፍንባ ፋና ባሮን፣ ልኪ ሰና ባሮን፣ ካይማ ሰና ባሮን፣ ግርሱኒ ውዛ ሰና ባሮንናዋ ማእር ሰና ወዛሶንና ዙትራ ሳፋሮትዋ።

9 ታኪን አርሴት ባሮንናዋ ኤጳ ታሴት ባሮንና ደይ ታኪን ኦደሴት ባሮንናዋ ብየሴት ባሮንና ዙትራ ዛጉትዋ። ናጋኒ ሀኦሰ ንቶኔን አነ ደይ ሰናናዋ።

ጳውሎስ ባሪክ ጋፋክቴ እማሲክ ጋላቴ

10 ሾዋ ዋናኔን ኦርፎ ሄፕሳ ታ ራክኮሶን ሳፋሬሴቲ ቦርኣ ዳሚሲክ አካማ ግራ ግሬጃዋ። ኤሰ ባሮን ደይ ይናሰ ሳፋሬት ባሮን ዋሰቴሬ ቤሱክ ማእ ኡግና አነ ዳነትዋ ኡናታኖ ታ ራክኮሶን ሳፋር ቤይትዋ ኡናታዋ።

11 ደይ ኤሰ ባሮን ይፋናሰ ቱርኪና ቦርኣታዋ፤ ታ፡ «ታክ ፋ ባር ሆሮና» ኡሶን አሪራ ፋናርዋ።

12 ኤሰ ባሪ ቦርኣ ዳናሶን ሰኑን ቱርኪሶን አሪናርዋ። አፍፋ ድማሰታንኑ ሰኑን አፍፋ ካባሰታክኑ ሜሬ ጋወነዋ ማክቶን አሲን ደይ ዳንነዋ ቱርኪን አሲ ችዋኖን አሪንዋ።

13 ሆግና ታክ እምፌ ክርስቶስኒክ ዙታምባሴ አሲን ችማናዎ።

14 ሰኑንታኖ ንቶ ራኮናሶን አርጋሲር ሰነቲ ቦርአ ማእ ውዛቱ ዛግሴትዎ።

15 ምስራቹኒ ካማሶን ማኮናክ ቲሲራ ሜቀዶኒያ ኬሰፋና ካባሲክ ንቶ ፍልጲሰዩሱክ ፊሴ ቤቴክርስታኒሰቴኖ እማክ ሰኑን ኤጳክ ታኔን እነ እሳር ሰንነ ዎሰቴር ኦም ቤቴክርስታኒ አፋ ሰንናማቶ ንቶ ቲትንትሲክ አርሴትርዎ።

16 ቲሴሎንቄክ ፋና ካባሲክ ታክ ሾልሱ ዉዛሶን አርሴራ ሄፓ ሄፓ ዎል ላ ታን አርጋሰሴትዎ።

17 ኤሰ ባሮን ደይ ኡናሰ ንቶ እማሶን ኤጳናክ አካማኖን ሾሌና ቦርአ ሰኖይናሮን አሱኒክ እምኒትሲ ጋና አርኩናክ ሾሌፋትዎ።

18 ታክ ሾልሲ አባሮንናዎ ታክ ሾልሲ ባርስታን ደናሎኖንና ጋፋክሴት እማሶን አፍሮድቱሰኒ ኩሹሰን ኤጲቻዎ። ኤሰ ንቶ እማሲ ማእ ሳዉባ ፋና ማኦሲማቶ ሀኦሰ ኤጳ ታራ ደይ ግሮናርዎ።

19 ኤሰ ባሪ ቦርአ ሀኦናሰ ኦቴምባሲ አርኩኒማቶ የሱሰ ክርስቶስኒኪ ካሞ ንቶክ ሾልሲ ባሮን ዙትራ ንቶክ ቱኑናዎ።

20 እባኒሲክናዎ ሀኦኒሲክና ኮእባ ፎንቶኖን ኡልፍና ባሪክ ሰንፋውቻዎ፤ አሚን።

ኮእኒ ናጋኒ ኦሽሾ

21 እማኝኒ ሜያ ዙታምቤሲሴ አሲክ የሱሰ ክርስቶስኒ ሱናሲክ ናጋ ካቲትዎ። ታኔን እነ ፊሴ አይኒ ሜያ ደይ ናጋ ዎሰሴቱዎ።

22 ኦም እማኝኒ ሜያ ዙቴሬ አርክሮን ደይ ሮምኪ ታቴ ሜኒ ታቶሳ ኬርኪ ሜያ ሰና ባሶ ናጋ ዎሰሴቱዎ።

23 ዳም የሱሰ ክርስቶስኒ ኦትማሰ ንቶኔን እነ ሰንፋውቻዎ።

ገጽ ትያ

**The New Testament in the Yemsa language of
Ethiopia, Ethiopic script**

copyright © 2025 The Word for the World International

Language: (Yemsa)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-06

PDF generated using Haiola and XeLaTeX on 5 May 2025 from source files dated 6 May 2025

03dcb1ff-0ef6-5f0e-a777-31ea8d578ea7